



Број/Број:

Сарајево/Sarajevo, 14.04.2010.

Zabilješka sa sastanka g. Halida Genjca, predsjedavajućeg Zajedničke komisije za evropske integracije i člana kluba poslanika stranke SDA i gđe Emine Bozkurt, poslanika u Evropskom Parlamentu, 09. april 2010. godine

Sastanku je prisustvovao g. Halid Genjac, predsjedavajući Zajedničke komisije za evropske integracije, član Ustavno-pravne komisije Predstavničkog doma PS BiH i član Kluba poslanika Stranke demokratske akcije PS BiH.

Iz Evropskog Parlamenta prisustvovala je gđa Emina Bozkurt, poslanik socijalista u Evropskom Parlamentu iz Holandije, član Komisije za pravna i unutrašnja pitanja, predsjedavajuća delegacije za Centralnu Ameriku u Evropskom Parlamentu.

G. Halid Genjac poželio je dobrodošlicu gđi Bozkurt u ime članova Zajedničke komisije za evropske integracije, članova Ustavno-pravne komisije i u svoje lično ime.

Gđa Bozkurt se zahvalila na dobrodošlici i istakla kako prati situaciju u Bosni i Hercegovini; da će u toj ulozi ostati narednih pet godina i pitala g. Genjca šta očekuje od ustavnih reformi, posebno po pitanju diskriminacije.

G. Genjac je istakao da je ustavna reforma veoma složeno pitanje. Svi vidimo da je potrebna reforma i svi se slažu s tim, međutim, svaka stranka opet ima svoj stav. Izvještaj Evropske Komisije i mnogi drugi izvještaji govore da je neophodna i rekao je da je bilo nekoliko pokušaja reforme uz pomoć međunarodne zajednice, ali bez uspjeha. U takvoj situaciji i dolazi do presude Suda za ljudska prava u Strasbourgu. Jasno je da postojeća ustavna rješenja imaju mnogo nedostataka koja se moraju riješiti. Presuda traži da se svim kandidatima obezbijedi mogućnost izbora u Predsjedništvu i Domu naroda Parlamentarne skupštine BiH, međutim shvatanja političkih stranaka o tome kako će se to izvršiti su različita. Nije realno očekivati promjene Ustava prije izbora.

Dodatni problem je što su potrebne malo šire promjene Ustava, jer postoji bojazan da, ako bi se samo ove stvari promijenile u Ustavu, ne bismo imali pristanak svih stranki. Predstavnic iz Republike Srpske istrajavaju u zaštiti državnog kapaciteta Republike Srpske; za promjenu Ustava potrebna je i saglasnost predstavnika iz RS-a, za šta u ovom trenutku ne postoji spremnost. U Parlamentu može glasati 60% poslanika za neki zakon, ali se isti ne može usvojiti dok za njega ne glasaju i poslanici iz RS-a.

Osim toga, istakao je kako je sadašnji Ustav zaustavio Bosnu i Hercegovinu. Predstavnic međunarodne zajednice su prisutni u BiH i oni vide da Bosna i Hercegovina već četiri godine stoji u mjestu zbog Ustava. Sve stranke su prihvatile Sporazum o stabilizaciji i pridruživanju i

Partnerstvo za mir, a u tim dokumentima postoje obaveze koje se moraju ispuniti da bi se krenulo dalje. Neka šira reforma Ustava (uključujući provođenje presude iz Strasbourga) trebala bi da uslijedi nakon izbora.

Takođe, on smatra da se problem Ustava neće riješiti tako brzo nakon izbora i da će trebati možda godina dana da se izvrše najnužnije promjene.

Zabilješku pripremila:

Lara Borovina